

ԳԼՈՒԽ Ա

ՊԵՐՍԻՅ ԹԱԳԱՎՈՐՆԵՐԻ ՇԱՐՔՆ ՈՒ ՊԱՏՄՈՒԹՅՈՒՆԸ

Պարսից թագավորների պատմությունն ու շարքը և նրանց ժամանակը կամենում եմ այստեղ ներկայացնել, բայց չգիտեմ նրանց սկիզբը որտեղից է եղել, քանզի Տրդատի հմուտ քարտուղար լատին¹ Ագաթանգեղոսը և Մեծ Մովսես Խորենացին պարթև Արշակից² են դնում նրանց պատմության սկիզբը մինչև Արտանանդ³։ Նրանք ուսուցչաբար են մեզ հաղորդում՝ ճաշակավոր և քաղցր ոճով։ Իսկ ես նրանց շարադրանքներից քաղելով կգրեմ այստեղ։ Հայտնելով ձեր իմաստությանը, որ ձեր բազմաթիվ գիտությունների հետ ես քիչը կշարադրեմ, որ հետևյալն է։

Ալեքսանդր Մակեդոնացու⁴ որդի Երզնանիից հետո, որ տիրեցին տիեզերքը, նրա չորս դայակորդիները, որ կոչվեցին Անտիոքոս⁵, նաև Մելևկիոս⁶։ Սա տիրեց պարսիկներին, մարերին, հայերին և կոչվեց Նիկանովր⁷, սա ապրեց երեսունմեկ տարի։ Ապա Անտիոքոսը, որ կոչվեց Թևոս։ Ալեքսանդրից վաթսունմեկ տարի հետո Արշակ Քաջը քեստուրական⁸ ծնունդներից սերված, պարթևների ցեղից, քուշանների⁹ Բահլ¹⁰ աշխարհից, ելավ բազմաթիվ զորքերով և հալածեց Անտիոքոսին. ոմանք նաև ասում են, թե սպանեց նրան, ինքը տիրեց ամբողջ արևելքը, արյաց (պարսից) երկիրը և հնազանդեցրեց իր իշխանությանը, որ տևեց մինչև երեսուն տարի։ Սրանից հետո սրա որդիների որդիները (իշխեցին) բազմաթիվ տարիներ մինչև Արտանանդ¹¹։ Սրա օրերում վերացավ պարսից Արշակունիների թագավորությունը¹²։ Մենք այն իր տեղում կպատմենք։ Այժմ վերադառնանք մեր խոսքի շարադրանքին։ Արշակը ապրելով երեսունմեկ տարի՝ մեռնում է։ Արտաշեսը թագավորում է քսանվեց տարի, Արշակը տարիներ... Արշականը երեսուն տարի, Արշակը երեսունմեկ տարի, Արշեյը՝ քսան տարի, Արշավիրը՝ քառասունվեց տարի, Արտաշեսը՝ երեսուներեք տարի, Դարեհը՝ երեսուն տարի, Արտակը՝ տասնինը տարի, Արտաշեսը՝ քսան տարի,

ԳԼՈՒԽ Բ

ՀԱՅՈՑ ԹԱԳԱՎՈՐՆԵՐԸ

Քանզի, ինչպես ասացինք, Արշակը¹⁴ թագավորելով Արյաց աշխարհի վրա՝ թագավորեցրեց իր եղբայր Վաղարշակին¹⁵ և բազմաթիվ զորքերով ուղարկեց Հայաստան և նրան դարձրեց իր երկրորդը՝ դիմակայելու թշնամիներին։ Վաղարշակը մեծ ուժերով եկավ տիրեց Հայաստանին՝ թագավորելով քսաներկու տարի։ Արշակը՝ տասներեք տարի, Արտաշեսը՝ քսանյոթ տարի, Տիգրանը՝ երեսուներեք տարի, Արտավազը՝ տարիներ, Արշամը՝ քսան տարի, Արգարը՝ երեսունութ տարի, Անան՝ տարիներ, Սանատրուկը՝ երեսուն տարի, Երվանդը՝ քսան տարի, Արտաշեսը՝ քառասուներկու տարի, Արտավազը՝ տարիներ, Տիրանը՝ քսանմեկ, Տիգրանը՝ քառասուներկու տարի, Վաղարշակը՝ քսան տարի, Խոսրովը՝ տարիներ։ Այստեղ դադարեց նաև Հայաստանի Արշակունյաց թագավորությունը առժամանակ¹⁶։ Իսկ Պարսկաստանում բոլորովին դադարեց։ Քանզի պարսից թագավորն էր Արտավանը, իսկ ոմն Արտաշիք անունով, որ Ստահրացի Սասանի որդին էր, իրեն միաբանեց Պահլավունիների ամբողջ ցեղը և բազմաթիվ զորքեր առնելով գնաց Արտավանի վրա, սպանեց նրան և ինքը թագավորեց ամբողջ Պարսկաստանի վրա։ Այս բանը լսելով՝ հայոց թագավոր Խոսրովը մեծ ցասումով վրեժխնդրությամբ լցվում է իր ազգական Արտավանի արյան համար և առնելով իր զորքերը գնում է Արտաշիքի վրա ու հալածում է նրան մինչև Հնդկաստան, իսկ ինքը ավերում է երկիրը (Պարսկաստան), քանդում, գերում և անմարդաբնակ է դարձնում ամբողջ երկիրը։ Տասնմեկ տարի այսպես արեց, մինչև որ ինքն էլ սպանվեց Անակի¹⁷ կողմից, ինչպես որ պատմում է Ագաթանգեղոսը¹⁸։ Իսկ Արտաշիքը տիրում է Հայաստանին մինչև